

## 17.15 CUNTRASTS SIN SRF 1

---

### La dolce vita



Las vacanzas èn finidas, il trot dal mintgadi ha entschet. Perquai laschan ils «Cuntrasts» reviver anc ina giada «la dolce vita» da la stad. Nus giain a far fain en la Val Schons e raschlain lung las «tscharneglias», in'atgnadad sisum la Muntogna da Schons. Nus scrivain era cartulinas da nossas vacanzas, schegea che la vendita da quellas è dada ensemen radicalmain ils davos 20 onns. Gia avant 70 onns ha cumenzà en Svizra «la dolce vita» per persunas da 65+. Dapi exact 70 onns datti numnadamain l'AVS, l'Assicuranza per vegls e survivents. Nus guardain pertge che la Surselva catolica aveva votà dal 1947 encunter l'AVS. Dapi quels onns essan nus en mintga cas vegnids pli dultschs! Nus mangiain numnadamain tant zutger sco anc mai. E tuttina: Da cultivar en il Grischun ravas da zutger n'è insumma betg lucrativ.